

Headline	TNB peruntuk RM18.8 bilion perluas operasi grid 2018-2020		
MediaTitle	Utusan Malaysia		
Date	16 May 2018	Language	Malay
Circulation	171,663	Readership	563,000
Section	Ekonomi	Page No	14
ArticleSize	352 cm ²	Journalist	Zunaidah Zainon
PR Value	RM 20,871		



TNB peruntuk RM18.8 bilion perluas operasi grid 2018-2020

Oleh ZUNAIDAH ZAINON
#ekonomi@utusan.com.my

KUALA LUMPUR 15 Mei - Tenaga Nasional Berhad (TNB) memperuntukkan pelaburan modal sebanyak RM18.8 bilion untuk memperluaskan operasi grid di bawah Tempoh Pengawalselaan Kedua TNB selama tiga tahun (2018-2020).

Presiden dan Ketua Pegawai Eksekutif TNB, Datuk Seri I. Azman Mohd. berkata, pelaburan itu bagi meningkatkan pengidangan dan automasi termasuk menambah baik prestasi dan keupayaan syarikat.

Daripada jumlah itu, TNB memperuntukkan RM2.7 bilion untuk teknologi Grid Masa Depan yang akan meningkatkan keupayaan dan kecekapan grid.

"Pelaburan bagi sistem peng-



LEO MOGGIE (tengah) bersama Azman Mohd (kiri) dan Fazlur Rahman Zainuddin melihat buku laporan tahunan ketika sidang akhbar selepas Mesyuarat Agung Tahunan TNB ke-28 di Kuala Lumpur, semalam.

hantaran dan jaminan pengagihan grid itu juga termasuk penempatan berjadual 340,000 meter pintar di Melaka dan penempatan

1.2 juta meter pintar tambahan di Lembah Klang," katanya dalam sidang akhbar selepas Mesyuarat Agung Tahunan (AGM) TNB ke-28

di sini hari ini.

Yang turut hadir, Pengerusi TNB, Tan Sri Leo Moggie dan Ketua Pegawai Kewangan TNB, Datuk Fazlur Rahman Zainuddin.

Berdasarkan laporan tahunan bersepadu empat bulan TNB berakhir 31 Disember 2017, Tempoh Pengawalselaan Pertama berakhir pada Disember 2017 yang menyaksikan kerajaan meluluskan tujuh pusingan pelaksanaan mekanisme ketidakeimbangan pelepasan kos bahan api (ICPT).

Bagi tempoh kedua pula, kerajaan bercadang mengekalkan kadar sedia ada dalam jadual tarif daripada tempoh pertama dengan rebat ICPT ditekankan pada 1.52 sen per kilowatt jam bagi pelaksanaan ICPT untuk tempoh Januari hingga 30 Jun 2018.

TNB merekodkan keuntungan selepas cukai sebanyak RM2.16

bilion bagi suku pertama tempoh berakhir Disember 2017 berbanding RML.79 bilion tempoh sama tahun sebelumnya yang mana 45 peratus dipacu oleh perniagaan dikawal selia.

Menurut Azman, TNB optimis Tempoh Pengawalselaan Kedua itu akan terus menyokong asas syarikat dan memastikan penyampaian nilai kepada TNB, pemegang saham dan pihak berkepentingan.

Beliau memberitahu, pembinaan loji tenaga Jimah East Power (JEP) di Jimah Port Dickson yang bernilai RM12 bilion kini dalam landasan untuk beroperasi mengikut jadual pada 2019.

Katanya, TNB memiliki pelanggan 70 peratus dalam stesen jana kuasa itu yang juga menggunakan teknologi ultra-supercritical mampu menjana kuasa 2,000

megawatt tenaga elektrik.

"Ini akan meningkatkan penguasaan pasaran TNB dalam kapasiti jana kuasa kepada 53.2 peratus daripada 51.8 peratus, sekali gus menyumbang kepada kemampuan sistem grid kebangsaan," katanya.

Mengenai kadar tarif pula, Moggie menjelaskan, ia hanya boleh dikaji semula selepas mekanisme ketidakeimbangan pelepasan kos bahan api (ICPT) berakhir Jun ini.

Dalam pada itu, Fazlur Rahman berkata, TNB menjangkakan rizab margin jana kuasa kekal mapan pada 30 peratus pada masa hadapan.

"Ia termasuklah penambahan loji baharu dengan tambahan kapasiti dan permintaan dari semasa ke semasa serta kapasiti sedia ada yang akan tamat," katanya.